

廣雅疏證

冊三

廣雅釋義

廣雅疏證卷第五上

高郵王念孫學

釋言

央極中也

洪範云建用皇極

駭驚起也

息歸返也

說見卷二息返歸也下

奉貢獻也

鼎幔闔也

說見卷二幘幔覆也下鼎與幘通幔各本論作慢今訂正闔通作奄說文奄覆也

令召覲也

說見卷二招命覲招呼也下

乾元天也

儀招來也

方言儀來也陳
頴之閒曰儀

羨薄致也

羨與誘同薄說見卷一
薄至也下至與致通

循率述也

搵拊搯也

說見卷四搯各本
譌作搯今訂正

班秩序也

媾犯侵也

玉篇媾小媾侵也趙策云稍稍蠶食之稍與媾通楚辭九歌不寢
近今愈疏王逸注云寢稍也寢一作侵犯各本譌作祀今訂正

訡誠警也

皆謂調戲也說見
卷四誠調也下

僮莫稚也

爾雅云稚之莫子為鷄

駮跛也

駮說文作踳云家足也漢書趙充國傳手足駮瘰文頽注云駮瘰裂也莊子逍遙遊篇宋人有善為不龜手之藥者釋文云龜徐舉倫反向云拘圻也龜與駮聲近義同跛曹憲音咎跛之言錯也爾雅釋木楷跛郭璞注云謂木皮甲錯西山經臧羊其脂可以已階郭注云治體跛階階與跛通集韻跛又音錯考工記弓人老牛之角紛而咎鄭衆注云咎讀為交錯之錯謂牛角猶理錯也北山經帶山有獸焉其狀如馬一角有錯注云言角有甲錯義並與跛同跛之言龜也玉篇廣韻並音龜跛跛一聲之轉釋名云齊人謂草屨曰搏階搏階猶把鮓龜貌也荆州人曰龜階與跛並同義

撼播搖也

撼見卷一搖撼動也下撼與撼同論語微子篇播鼗武孔傳云播搖也

仍重再也

鎮綏撫也

羸膠瘠也

瘳與
瘳同

課揣試也

說文課試也管子七法篇云成器不課不用
不試不藏方言揣試也郭璞注云揣度試之

捷敏亟也

捷與
捷同

曼莫無也

小爾雅曼無也法言寡見篇云曼是為也五百篇云行有之也病
曼之也皆謂無為曼文選四子講德論空柯無刃公輸不能以斲
但懸曼簪蒲苴不能以射曼亦無也李善注訓為長失之曼莫無
一聲之轉猶覆謂之幔亦謂之幕亦謂之幪也漢書西域傳罽賓
國以金銀為錢文為騎馬幕為人面張晏曰錢文面作騎馬形漫
面作人面目也如淳曰幕音漫師古曰幕即漫耳無勞借音今所
呼幕皮者亦謂其平而無文也案幕字如淳音漫師古音莫而同
訓為無文猶曼與莫之同訓為無也任氏幼植釋繒云說文繒繒
無文也管子霸形篇君何不發虎豹之皮文錦以使諸侯令諸侯
以縵帛鹿皮報左氏成五年傳乘縵注車無文是凡物之無文者
謂之縵義
與曼同也

剗剗斫也

刺見卷一刺斷也下剉與斲同

鶩鶩飭也

鶩經傳通作亨說見卷三鶩飭熟也下鶩說文作鶩云黃也漢書郊祀志皆嘗鶩亨上帝鬼神顏師古注云鶩亨一也鶩亨黃而祀也引韓詩采蘋曰于以鶩之唯鏡及釜毛詩鶩作湘云湘亨也鶩鶩湘聲近義同鶩音式羊反鶩音普衡反各本鶩譌作鶩今訂正

土吐瀉也

太平御覽引春秋元命包云土之為言吐也說文云土地之吐生物者也又云吐瀉也釋名云吐瀉也故揚豫以東謂瀉為吐也瀉與寫通

糗麵食也

說見卷八麩麥謂之麵及糗族糗也下麵各本譌作麵今訂正

死專簿也

簿通作博各本皆作死專轉也下條圍碁奕也作圍碁簿奕也案簿與奕異事不得訓簿為奕方言簿吳楚之閒或謂之死專是死專為簿之異名方言注云死音於辯反專音轉是廣雅專下轉字乃曹憲之音此因轉字誤入正文校書者又誤謂死專之訓為轉遂移簿字入下條耳今訂正

圍棊弈也

泚澌測也

皮膚剝也

說見卷三剝
膚皮離也下

山龍彰也

皋陶謨日月星辰山龍華蟲作會宗彝藻火粉米黼黻絺繡傳云黼若斧形黻為兩己相背爾雅黼黻彰也郭璞注與書傳同案爾雅以彰訓黼黻乃通釋經傳中黼黻之事非專釋十二章之黼黻也爾雅又云衮黻也直訓衮為黻明非十二章之黻矣考工記說畫績之事云青與赤謂之文赤與白謂之章白與黑謂之黼黑與青謂之黻五采備謂之繡祭義云遂朱綠之玄黃之以為黼黻文章是黼黻與文章同義故云黼黻彰也若山龍非五色相次之名不得直訓為彰此云山龍彰也蓋效爾雅而失其義矣

調讞也

說見卷四
讞調也下

戊秀茂也

漢書律曆志云豐楙於戊鄭注月令云戊之言茂也四時之閒萬物皆枝葉茂盛茂與楙通

鄉救也

未詳

悵竊淺也

說文竊淺也爾雅釋鳥夏屬竊玄秋屬竊藍冬屬竊黃棘屬竊丹昭十七年左傳正義云竊玄淺黑也竊藍淺青也竊黃淺黃也竊丹淺赤也又爾雅釋獸虎竊毛謂之號貓繼如小

熊竊毛而黃大雅韓奕傳云貓似虎淺毛者也

鬩戰鬩也說文鬩鬩也孟子梁惠王篇鄒與魯鬩趙岐注云鬩鬩聲也音義引劉熙注云鬩構也構兵以鬩也字亦作鬩呂氏春秋慎行篇崔杼之子相與私鬩高誘注云鬩鬩也鬩讀近鴻緩氣言之大雅召旻篇蠹賊內訌鄭箋云訌爭訟相陷人之言也義與鬩相近

隅陬角也

廉瓜棱也

鄭注鄉飲酒禮云側邊曰廉說文瓜棱也衆經音義卷十八引通俗文云木四方為棱八棱為瓜字通作觚

備咳咸也

此方言文也樂記大章章之也咸池備矣史記樂書備矣作備也餘見卷二咳備也下

奇尤異也

敷放妄也

莊子庚桑楚篇蹶市人之足則辭以放驚郭象注云稱己脫誤以謝之釋文引廣雅驚妄也驚與敖通亦作傲荀子勸學篇未可與言而言謂之傲可與言而不言謂之隱不觀氣色而言謂之瞽傲謂妄言也論語云言未及之而言謂之躁躁亦妄也

貶費損也

焚燎燒也

燁爨也

說文燁爨也昭二十年左傳燁之以薪杜預注與說文同釋文云燁然也燁然聲相近然火謂之燁故爨亦謂之燁周語火無災燁

譁諛詔也

譁與佞通諛各本譎作謾今訂正

拂扞搏也

說文拂過擊也卷三云扞搏擊也

懲懣恣也

恣與艾通亦通作刈堯典五流有宅五宅三居王制正義引鄭注云宅讀曰咤懲刈之器謂五刑之流皆有器懲刈史記五帝紀作咤竝聲近而義同

枚箇凡也

方言枚凡也昭十二年左傳南蔽枚筮之杜預注云不指其事汎卜吉凶正義云或以爲汎卜吉凶謂枚雷總占禮云無雷同是總衆之辭也今俗語云枚雷即其義哀十六年傳王與葉公枚卜于良以爲令尹注云枚卜不斥言所卜以令龜是枚爲凡也方言箇枚也郭璞注云謂枚數也字或作个特牲饋食禮俎釋三个鄭注云个猶枚也今俗言物數有若干个者此讀然是箇與枚同義

毅距困也

皆未詳

遷徙移也

忒慎憤也

說文忒惕也引吳語于其心忒然今本作戚然韋昭注云戚猶惕也戚字蓋傳寫之誤廣韻云忒意慎忒也管子弟子職篇云顏色整齊中心必式式與忒聲義相近卷四云慎恐也憤亦恐也玉篇憤心動也方言蛩快戰慄也荆吳曰蛩快蛩快又恐也竝與憤聲

廣雅

疏證

卷第五上

五一中華書局聚

近義

廩治也

廩曹憲讀為稟廩稟二字諸書皆無訓為治者治蓋給字之譌說
文稟賜穀也漢書文帝紀吏稟當受鬻者顏師古注云稟給也蘇
武傳廩食不至注云無人給飢之

礪石碓也

廣韻礪落也玉篇石落也礪石碓一聲之轉卷四云石搥擗也礪
伐也石石搥礪擗礪聲義竝相近廣韻太平御覽引廣雅碓作碓

移脫遺也

移為遺與之遺脫為遺失之遺漢書武帝紀受爵賞而欲移賣
者無所流貶應劭注云貶音移言無所移與也移貶聲義竝同

專齊也

說見卷四
專齊也下

涇漘淖也

說文涇多汁也又云涇涇泥也淮南子原道訓甚淖而涇高誘注
云涇亦淖也鐘粥多潘者謂之涇兵略訓云道之浸洽涇淖纖微
無所不在衆經音義卷十一引通俗文云和漘曰淖鄭注士虞禮記云淖和也

眞是此也

諸書無訓眞爲此者各本眞字皆書作真真是此也當是直此是也之譌直爲是正之是此爲如是之是說文是直也是其證矣或曰當作直是正也說文直正見也正是也

將矚帥也

矚古通作渠史記田叔傳取其渠率二十人率與帥通

死澌也

太平御覽引春秋說題辭云死之爲言澌精爽窮也說文死澌也人所離也鄭注檀弓云消盡爲澌

龍光寵也

鄭注師卦云寵光耀也小雅蓼蕭篇爲龍爲光毛傳云龍寵也周頌酌篇我龍受之鄭箋云龍寵也龍寵聲相近故古人以二字通用昭十二年左傳引蓼蕭詩龍光作寵光商頌長發篇何天之龍箋云龍當作寵師象傳承天寵也王肅本作龍

薦譌謹也

皆謂變化也說見卷三謹薦七也下七與化通

涕泣淚也

跽匍匐也

說見卷三匍跽伏也下伏與匍通各本跽下俱有莊字段氏若膺云莊與匍匐之義不相近廣雅釋詁跽伏也曹憲音壯拳反文選魯靈光殿賦狡兔跽伏於柎側李善音壯學切玉篇音莊學切廣韻音莊緣切廣雅跽下莊字當是反語之上一字誤為正文也案廣雅釋言篇內無連舉三字解之者莊非正文甚明今從段說刪

眇睛謨也

眇各本譌作眇今訂正廣韻引字林云眇睛不悅目兒說文謨恚也

猜阻疑也

閔二年左傳是服也狂夫阻之杜預注云阻疑也

霽霽霖也

說文霽久雨也又云涖水澤多也涖與霽義相近說文涖漬也漬久雨涖漬也淮南子主術訓時有涖旱災害之患高誘注云涖久雨水潦也涖與霽同爾雅云久雨謂之淫淫謂之霖霖淫涖古聲亦相近也方言潛涵沈也沈謂之涵亦謂之潛猶久雨謂之霽亦謂之霽也

賀皆嘉也

說文賀呂禮物相慶嘉也嘉與賀古同聲而通用觀禮子一人嘉之鄭注云今文嘉作賀晉語賀大國之襲於己說苑辨物篇賀作嘉皆是也嘉皆一聲之轉字通作借小雅魚麗曰維其嘉矣又曰維其借矣賓之初筵曰飲酒孔嘉又曰飲酒孔借借亦嘉也解者多失之

易與如也

皆一聲之轉也宋定之云繫辭傳易者象也象也者像也像即如似之意引之云論語賢賢易色易者如也猶言好德如好色也二說竝通易訓為如又有平均之義下文云如均也爾雅平均易也是易如與平均同義方言易始也郭璞注云易代更始也義近於鑿廣雅之訓多本方言此條訓易為如而釋詁始也一條內不載易字疑張氏所見本始作如也襄二十六年左傳引夏書曰與其殺不辜寧失不經凡經傳言與其者皆謂如其也閔元年左傳猶有令名與其及也史記集解引王肅注云雖去猶可有令名何與其坐而及禍也何與猶何如也秦策云秦昭王謂左右曰今日韓魏孰與始強對曰弗如也王曰今之如耳魏齊孰如孟嘗芒市之賢對曰弗如也孰與猶孰如也班固東都賦云僻界西戎險阻四塞脩其防禦孰與處乎土中平夷洞達萬方輻湊秦嶺九峻涇渭之川曷若四瀆五嶽帶河沂洛圖書之淵曷若猶孰與也漢書鼂錯傳今匈奴上下山阪出入溪澗中國之馬弗與也弗與猶弗如也與如若亦一聲之轉與訓為如又有相當之義襄二十五年左傳申鮮虞與閭邱嬰乘而出行及奔中將舍嬰曰崔慶其追我鮮虞曰一與一誰能懼我杜預注云奔中狹道也道狹雖衆無所用案與猶當也言狹道之中一以當一雖衆無所用也下文云崔慶

之衆不可當也當亦與也二十四年傳云大國之人不可與也與亦當也宋衛策云夫宋之不足如梁也寡人知之矣高誘注云如當也是與如皆訓為當也

恍覆反也

班固幽通賦變化故而相詭今曹大家注云詭反也大戴禮保傅篇左右之習反其師賈子傳職篇反作詭漢書武五子傳云詭禍為福史記李斯傳云今高有邪佚之志危反之行詭危竝與恍通說文恍變也變亦反也

審覆索也

爾雅覆察審也郭璞注云覆校察視皆所為審諦覆校即考索也考工記弓人覆之而角至鄭注云覆猶察也定四年左傳云藏在唐府可覆視也月令云命舟牧覆舟孫子行軍篇云軍行有險阻潢井葭葦山林翳薈者必謹覆索之索與索通審察索三字皆從山山訓為覆覆訓為審義相因也

輸擯墮也

皆謂墮壞也小雅正月篇載輸爾載鄭箋云輸墮也公羊春秋隱六年鄭人來輸平傳云輸平猶墮成也何言乎墮成敗其成也穀梁傳云輸者墮也來輸平者不果成也是輸為墮壞也其輸寫物亦謂之墮昭四年左傳寡君將墮幣焉服虔注云墮輸也方言擯墮壞也陸與墮同太玄度次三小度差大擯之階測曰小度之差大度傾也是擯為墮壞也方言云怠壞也故壞謂之墮亦謂之

攢亦謂之輸忘謂之情亦謂之嬾亦謂之
窳惰與墮嬾與攢窳與輸古聲竝相近也

償報復也

詩意志也

各本皆作詩志意也案詩志聲相近故諸書皆訓詩為志無訓為
意者詩序云詩者志之所之也在心為志發言為詩賈子道德說
篇云詩者此之志者也詩譜正義引春秋說題辭云在事為詩未
發為謀恬澹為心思慮為志詩之為言志也書大傳注云詩言之
志也說文及楚辭九章注
竝云詩志也今據以訂正

眷隻顧也

說文倏左右兩視也玉篇隻具眉切顧也古倏字謂左
右視也隻從欠佳聲與隻字異隻從欠圭聲音胡結反

癘殘蚌也

玉篇癘大痒也殘小痒也痒
與蚌通亦通作養俗作癩

攢鴛虛也

皆驚散之貌也玉篇攢散走也高誘注淮南子主術訓云斂讀驚
攢之攢攢與攢通方言宋衛南楚凡相驚曰鴛郭璞注云鴛驚貌
也說文鴛犬鴛鴛不附人也讀若南楚相驚曰鴛又云鴛犬鴛鴛
不可附也揚雄勸秦美新云來儀之鳥肉角之獸狙獷而不臻狙